

嶺南叢述卷三十四

東莞 鄧 淳 粹如編輯
番禺 儀克中 協一參訂

珍寶上

金

粵地陽明故多產金金生於丹砂穴者為上其屑多在黑沙及逆
流漩復之所沒水取之或掘地丈餘見有磊砢粉子石石褐色一
頭焦黑是為伴金之石必有馬蹏塊金蓋丹砂之旁有水晶床金
之旁有粉子石物不孤生天地之道也其粉子石所在土色如血
或如熟杏燒作脂蘇氣香其沙甚重而味苦鵝鴨啖其沙者從腮
脰內淘之亦有金屑開建有金莊水焉其源出金雞涌二百里間
為大瀧小瀧者二皆有瓜子金麩金越一山有金縷水流聲清激
亦產生金土人淘其沙日得麩金分許不能多或得一金龜形則

嶺南叢述

卷三十四

珍寶

其處數日無金矣崖州黎田其水滌洞清徹浮光躍金亦有商人
貿而淘之陽江木朗白石澗中與廣寧溪崗俱有金坑產金甚微
色且低劣土人淘取僅足日給英德金造蝨子坪各處亦俱產金
河源之藍田瀨蒸煮其沙日得生銀錢許高明鑛脈亦微萬歷間
幕民認稅開取尋以無利而寢大抵金潭銀瀨皆天所以惠貧民
也粵中見聞湟川志縣之上吉溪有金舊云剖鴨腹求之俚語乍富人
必曰連山鴨肚黃志桂陽郡有金官漢書地理志舊崖州出金華金有花
綵者貢太平寰宇記

橄欖金

橄欖金產嶺南乃荆南山土中顆形大如橄欖兩頭皆尖紅紫色
足十二成不煩淘煉自然顆粒亦生金也博物要覽

生金

生金生嶺南夷獠峒穴中如赤黑豆碎石生鐵屎之類南人云毒

蛇齒落在石中又云蛇屎着石上及鳩鳥屎着石上皆碎取毒處
爲生金有大毒殺人鍊十餘次毒乃已

草木

銀

粵山多有銀穴銀沙始興小首山崩崩處有光耀悉是銀礫鑄之
得銀河源藍田瀨煮其沙曰得生銀錢許若多則次日不能復得
高明鑛脈亦微英德清遠山有銀鑛者輒有白氣上升或山石熱
時有銀汗白而味辛其卵或紅如亂絲或白如草根或銜黑石或
有脈謂之龍口循龍口挖之淺者一二丈深者四五丈有焦路如
竈土然斯鑛苗也又挖則鑛見矣由微而盛盛而復微或如串珠
或如瓜蔓微則漸絕絕復尋焦焦復見鑛若焦已絕則又盤荒也
凡鑛以有大點銀星而柔者爲上點小而堅者次之謂之明鑛次
則夾石礪以色綠者爲上紅黑黃白者次之又次則砂土礪淘去
浮者留其沉重者煎之以成瓜者爲上如瓜蔓者次之盤荒時或

嶺南叢述

卷三十四

珍寶

二

見有人騎白馬望空而去此銀氣也氣去則其銀亦去云東莞有
寶山其穴有銀磚數百片取之輒昏迷不得出電白有紗帽山山
有石大小數萬細看非石皆銀塊也取之亦輒昏迷晉潮州新豐
水有一穴中有銀瓶數千枚亦不可取始興臨水源有斜潭潭底
有銀數十甕以青石蓋之可開看而不可取大抵山川所藏神物
有歸非貪者所得覲覲也嘗攷上古之爲富者菽粟而已三代之
賦皆粟也漢唐之賦粟也錢也帛也故今之言賦猶曰錢糧宋仁
宗景祐二年詔諸路歲輸緡錢福建二廣易以銀是用銀始於閩
粵而閩粵銀多從番舶而來番有呂宋者在閩海之南產銀其行
銀如中國行錢西洋諸番銀多輸其中以通商故閩粵人多商賈
於呂宋運銀至廣州多用砒傾硬錠漳州錠曰趨低僞若潮州餅
井欄酥與東西二洋之大小銀錢有九五六色最高者交趾銀條
銀舌粵產生銀丹房所謂銀筍色至足也市井小人奸巧百出或

盪鉛或淬藥或鑽鍛於腹或鈞銅于四角或以紅白銅藥煑為猛銀鮮有能辨之者粵中見聞宣德三年四月上聞廣東都司言番禺民有私取礦砂煑之可得白金鉛錫請官開治命巡按同三司開驗每砂百斤鍊銀四錢鉛二十斤因謂尚書夏原吉曰朕料礦砂之烹所得無幾若果有銀利置治烹鍊豈待今日彼小民或竊取以求毫末之利無足怪朕已宥之不問其令有司悉填坑洞國家之利不藉此民亦免逐末之弊明朝典故至元二十三年韶州路曲江縣銀場聽民煽煉每年輸銀三千兩元史食貨志

花邊錢

花邊錢以銀鎔為錢樣面有水草燭臺諸紋間有作人馬形者邊輪有花俗稱花邊錢其大小遞分減為五等輕重皆有度便於鬻物市中間用之粵東筆記

銀米銀砂

嶺南叢述

卷三十四

珍寶

三

廣州市司用銀米遂成縣任山銀穴有銀砂

廣州記

銀場

廣州番禺有銀鑪清遠大富一銀場東莞香山二銀場韶州曲江靈源石膏岑水三銀場翁源大湖一銀場樂昌伍汪黃坑二銀場循州興寧夜明一銀場潮州海陽豐濟一銀場連州桂陽同官一銀場端州高要沙利一銀場梅州程鄉樂口一銀場英州真陽鍾峒一銀場浛光堯山竹溪師子三銀場惠州歸善西平流坑二銀場高州電白高北一銀場

元豐九域志

銅

勤州銅陵有銅連州連山有銅唐書地理志俚獠鑄銅鼓開交趾及占城等國王所居以銅為瓦信知南方多銅矣嶺外代答韶州泮水場以涵水浸銅會百萬斤鐵浸鍊二十萬銅兩廣二十八部皆有所輸貴耳錄饒之張潛通方伎得變鐵為銅之法使其子詣闕獻之朝廷

行之潮之興利韶之泔水皆其法也興地紀勝粵東無銅鑛唐建中初年采連州白銅鑄大錢一以當十韶州城南七十里宋初有泔水銅場謂場水能浸生鐵成銅今不然連州絕無白銅惟赤銅間或有產赤銅一石可取白銀四兩廣中市肆所買赤銅從雲貴來者有光未經取煉其價高從洋舶來者無光其價稍低以經取煉也赤銅鑄錢須以倭鉛盧甘石入之則黃而粵東地不產銅難以開局鑄錢也粵中見聞

銅場

韶州曲江巾子一銅場真陽縣禮平一銅場陽山縣銅坑一銅場

元豐九
咸志

古錢

自河頭至高雷二郡用唐宋錢廉州則用開元錢開元錢以面有半月痕者為貴相傳開元鑄錢貴妃指甲誤觸其模治吏不敢擅

嶺南叢述

卷三十四

珍寶

四

易此半月痕即貴妃指甲云又高雷廉用元豐錢以平頭元為上尖頭元次之平頭元者元字上一畫平也尖者作一點行書也前世錢文未有行書者淳化中太宗始以宸翰為之既成以賜近臣名御書錢其用萬歷錢則以跛歷者為上跛者歷字左丿直下也交趾亦用宋錢以六十錢為一勺瓊用錢以六孔為一錢六十為一兩六百為一貫數皆以六廣語

鉛

廣州化蒙有鉛穴一春州陽春有鉛唐書地理志陽江梅峒山陽春鐵坑山及東南芙蓉都諸山皆出鉛肇慶府志鉛一曰連徐廣云連鉛之未煉者昔王莽鑄作錢布皆用銅殺以連錫孟康云連錫之別名也李奇云鉛錫之璞名曰連應邵云連似銅許慎云鍾銅屬也連州有鉛錫冶故以名州粵東筆記

鉛場

翁源縣大富一鉛場樂昌縣太平一鉛場仁化縣多寶一鉛場元豐

密陀僧

密陀僧蘇恭曰出波斯國蘇頌曰今嶺南閩中銀銅冶處亦有之是銀鉛脚政和證類本草

錫

韶州當嶺南阨塞雜產五金英德堯山產錫堅白尤勝長樂興寧河源永安亦皆產錫有馬蹄蜈蚣門限之名今廣東錫多從廣西賀縣來賀錫也其縣出錫故名賀粵中見閩錫出瀧州今廣錫出連州有司收稅黃志點銅錫出惠州者謂之上點銅入爐必用芋苳鍊之方鎔成汁無芋則不成也嶺南雜記

錫場

清遠縣錢糾一錫場新會縣千歲一錫場歸善永吉信上永安三

嶺南叢述

卷三十四

珍寶

五

錫場河源縣立溪和溪永定三錫場海豐縣靈溪楊安勞謝三錫場海陽縣橫街黃岡錦石三錫場康州端溪雲烈一錫場瀧水羅磨護峒二錫場高州信宜懷德一錫場元豐九域志

鐵

鐵莫良於廣鐵廣中產鐵之山凡有黃水滲流則知有鐵掘之得大鐵卬一枚其狀若牛是鐵牛也循其脈路深入掘之斯得多鐵矣然產鐵之山有林木方可開爐山苟童然雖多鐵亦無所用此鐵山所以不易得也凡鐵卬一枚層層剖之皆有木葉紋向背不一山有某木則鐵卬中有其葉紋深掘之至數十丈莫不皆然嶺南當隆寒時木不落葉惟產鐵之山落葉蓋鐵之精英所攝金尅木之道也鐵卬有神爐主必謹身以祭乃敢開爐爐之狀如瓶其口上出口廣丈許底厚三丈五尺崇半之身厚二尺有奇以灰沙鹽醋築之巨藤束之鐵力紫荆木支之又憑山厓以為固爐後有

口口外爲一土牆墻有門二扇高五六尺廣四尺以四人持門一
闔一開以作風勢其二口皆鑲水石水石產東安大絳山其質不
堅不堅故不受火不受火則能久而不化故名水石凡開爐始于
秋終于春以天氣寒涼鐵乃多水金爲水之源水盛于冬故鐵水
以寒而生也下鐵卬時與堅炭相雜率以機車從山上飛擲以入
爐其焰燭天黑濁之氣數十里不散鐵卬既溶液流至於方池凝
鐵一版取之以大木杠攪爐鐵水注傾復成一版凡十二時一時
須出一版重可十鈞一時而出二版是曰雙鈞則爐太王爐將傷
須以白犬血灌爐乃得無事鐵於五金屬水名曰黑金乃太陰之
精所成其神女子相傳有林氏婦以其夫逋欠官鐵于是投身爐
中以出多鐵今開爐者必祠祀稱爲湧鐵夫人其事怪甚凡一爐
場環而居者三百家司爐者二百餘人掘鐵卬者三百餘汲者燒
炭者二百有餘馱者牛二百頭載者舟五十艘計一鐵場之費不

止萬金日得鐵二十餘版則利贏八九版則縮是有命焉然諸治
惟羅定大塘基爐鐵最良悉是錯鐵光潤而柔可拔之爲線鑄鑊
亦堅好價貴于諸爐一等諸爐之鐵冶既成皆輸佛山之埠佛山
俗善鼓鑄其爲鑊大者曰糖圍深七深六牛一牛二小者曰牛三
牛四牛五以五爲一連曰五口三爲一連曰三口無耳者曰牛魁
曰清古時凡鑄有耳者不得鑄無耳者鑄無耳者不得鑄有耳者
兼鑄之必訟鑄成時以黃泥豕油塗之以輕杖敲之如木者良以
質堅故其聲如木也故凡佛山之鑊貴堅也石灣之鑊賤脆也鬻
於江楚間人能辨之以其薄而光滑消凍既精工法又熟也諸所
鐵器率以佛山爲良陶則以石灣其炒鐵則以生鐵團之入爐火
燒透紅乃出而置砧上一人鉗之二三人錘之旁十餘童子扇之
童子必唱歌不輟然後可煉熟而爲鑊也計炒鐵之肆有數十人
有數千一肆數十砧一砧有十餘人是爲小爐爐有大小以鐵有

生有熟也故夫治生鐵者大爐之事也治熟鐵者小爐之事也其
銅之健貴乎淬未淬則柔性猶存也淬者銅已爐錘方出火即入
乎水大火以柔之必清水以健之乃成純鋼此煉鋼之事也甘泉
云觀洪鑪之鑄金則知天地之終始矣在爐而溶生之也出爐而
結成之也溶也者水始之事也結也者土終之事也其溶也人以
爲屈而不知生之始也信孰大焉其結也人以爲信而不知成之
終也屈孰大焉始終相乘屈信相感而金未嘗變此乃道之象也

廣語

鐵場

廣州番禺縣銀鑪一鐵場清遠縣靜定一鐵場端州高要浮蘆一
鐵場南恩州陽春欖徑一鐵場梅州程鄉龍坑一鐵場惠州歸善

三豐一鐵場

元豐九
域志

水秀鐵

嶺南叢述

卷三十四

珍寶

七

水秀鐵之精英在水數十年者名水秀

溪蠻
叢笑

合浦珠

合浦珠大抵四五所皆居海洋中池名訖寶名斷望者最而斷望
池近交趾號產珠尤美大父老更傳昔珠還時蓋自海際珠母生
猶山然高壘數百千丈甚或出露波濤上雅不知得幾何代也刺
史者每啓其貪欲心或繇是暴虐人人不自聊此珠所以去之皆
遠徙從交趾真臘諸異國而珠母益不生就生亦不實矣俗言珠
母者謂蚌也凡採珠必蜃人號曰蜃戶丁爲蜃丁亦王民爾特其
狀怪醜能辛苦常業捕魚生皆居海艇中男女活計世世未嘗捨
也採珠弗以時衆咸裹糧會大艇以十數環池左右以石懸大緮
至海底名曰定石則別以小繩繫諸蜃腰蜃乃閉氣隨大緮直下
數十百丈捨緮而摸取珠母曾未移時然氣已迫則亟撼小繩繩
動舶人覺乃絞取人緣大緮上出輒大叫因倒死久之始甦下遇

天大寒既出而叫必又急沃以苦酒可升許飲之醕於是七竅爲出血久復活其苦如是世且弗知也父老云頃熙寧末安南連陷欽廉被係虜生靈磬磬事甫定而珠爲盛還當是時商賈走四方爭輻湊遠民賴以安樂竟坐主者婪濁則珠寢徙去久矣中興後乃復還海底積高纜數尋一刺史來得此大喜卽妄爲辭以囹其上請復舊貫因縛繫諸蟹恠其刑一方始大騷走視珠母則莽見白沙布底爾徒得珠母雖合數千百旣破開畧無一珠羣蟹獨環之大哭勿恤也自是以貢則求諸他且又加配率聞告訐凡桎梏而破產者大率皆無辜千里告病然耳目使者又弗吾惻是天以珠池禍吾民也吾聞此憮然後讀熙陵實錄見書太平興國七年事某月甲子海門採珠場獻真珠五千斤皆徑寸者爲掩卷貽愕何其異哉而致是歟久而思之此無他知實命吏之效巖圍山合浦產珠池名曰斷望池在海中孤島下去岸數十里池深不十丈

嶺南叢述

卷三十四

珍寶

八

蟹人沒而得蚌剖而得珠取蚌以長繩繫竹籃携之以沒旣拾蚌於籃則振繩令舟人汲取之沒者亟浮就舟不幸遇惡魚一縷之血浮于水面舟人慟哭知其已葬魚腹也亦有望惡魚而急浮至傷股斷臂者海中惡魚莫如刺紗謂之魚虎蟹所甚忌也蟹家自云海上海池若城郭然其中光怪不可向邇常有怪物哆口吐翕固神靈之所護持其中珠蚌終古不可得者蚌溢生于城郭之外故可採耳所謂珠熟之年者蚌溢生之多也然珠生熟年百不一二耗年皆是也珠熟之年蟹家不善爲價冒死得之盡爲黠民以升酒斗粟一易數兩旣入其手卽分爲品等銖兩而賣之城中又經數手乃至鄙下其價遞相倍蓰至于不貲採珠在官有禁州以廉名謂其足以貪也史稱孟嘗守合浦珠乃大還爲廉吏之應二十年前有守甚貪而珠亦大熟雖物理無驗然此以清名至今彼與草木俱腐耳噫孰知孟嘗還珠之說非柳子厚復乳穴之說乎

嶺外廉州府城東南有珠母海海中有平江懸梅青嬰三池池中
出大蚌蚌中有珠每月明之夜其光燭天即古合浦珠也山堂珠

有九品大五分以上至一寸八九分尤為入品有光彩一邊小平

似覆釜者名瑤珠瑤珠之次為走珠走珠之次為滑珠滑珠之次

為礫砢珠礫砢珠之次為官雨珠官雨珠之次為稅珠稅珠之次

為葱苻珠南越志珠池居海中蛋人沒水而取然人多葬沙魚腹中

因議以鐵為耙取之所得尚少最後得今法木柱板口兩角隊石

用本地山麻繩絞作兜如囊狀繩繫船兩傍惟乘風行舟兜重則

蚌滿取法無踰此矣珍珠一萬四千五百餘兩大約二石五斗次

年採九千六百餘兩每百兩餘四五兩大約一升重四十六七兩

次年大者五十餘顆計一觔重云價近白金伍千兩御史呂洪云

嘉靖十二年採珠至二十二年復採僅隔十年海北道僉事翁

溥嚴立採法四閏月方纔封池用官民銀七千餘兩除織造螺筐

嶺南叢述 卷三十四 珍寶 九

起葢厰房井雜用夫役等項動擾于民不預造報者不下二千餘

兩僅得珠四千餘兩所得不償所費尚且碎小至區不堪二十四

年九月又採知府胡鰲建議謂前採納至今僅隔一年螺珠未生

縱有一二生息俱係嫩小無珠恐復虛費錢糧考之洪武一十九

年詔採珠至永樂十四年始復採又至天順三年詔採珠宏治十

五年復採正德九年詔採珠則以為頻數矣嘉靖五年詔採珠其

年十二月大雨雪池水冰結樹木皆枯民多凍死螺筐夜有火光

人皆異之九年又採十二年十三年連採此珠之所以少也廉州府志

明區大樞采珠篇長安市兒鬻珠好五侯七貴競爭寶快意寧復

論兼金但獲明珠即絕倒遠物何由遂見珍彩光錯落稱媚人聲

價無如走盤上貴重直使連城噀傾都豪貨每如此九重好尚亦

復爾大農進御猶不敷瀕海仍聞出中使陸路紛紛生繹騷樓船

泛泛歷波濤貂璫乘機恣漁獵黔黎喪魄等鴻毛縱然貪得珠萬

斛難免海濱生怨譙老蚌剖殘明月孤重淵搜盡驪龍哭吾聞廉
官昔孟嘗合浦珠徒還復光比來竭澤何爲者珠倘有靈珠應藏
又聞國寶在得士聖主投珠士乃止與其徑寸鑿數車孰若高賢

照萬里

嶺南
文獻

媚川都

僞劉採珠之地也隸役凡二千人每採珠溺而死者靡日不有所
獲旣充府庫復以飾殿宇潘公美克平之後於煨燼中得所餘玳
瑁珍珠以進太祖合小黃門持視宰相且言採珠危苦之狀開寶
五年詔廢媚川都選其少壯者爲靜江軍老弱者聽自便至今東
莞縣瀕海處往往猶有遺珠南海百詠宣德三年冬十一月癸酉錦衣
指揮鍾法保諸採珠東莞帝曰是欲擾民以求利也明史宣宗紀廣東
珠池率數十年一採宣宗時有請令中官採東莞珠池者繫之獄
英宗始使中官監守天順間嘗一採之至宏治十二年歲久珠老

嶺南叢述

卷三十四

珍寶

十

得最多費銀萬餘獲珠二萬八千兩遂罷監守中官正德九年又
採嘉靖五年又採珠小而嫩亦甚少八年復詔採兩廣巡撫林富
言五年採珠之役死者五十餘人而得珠僅八十兩天下謂以人
易珠恐今日雖以人易珠亦不可得給事中王希文言雷廉珠池
祖宗設官監守不過防民爭奪正德間逆監用事傳奉採取流毒
海濱陛下御極革珠池少監未久旋復驅無辜之民蹈不測之險
以求不可必得之物而責以難足之數非聖政所宜有皆不聽隆
慶六年詔雲南進寶石二萬塊廣東採珠八千兩神宗立停罷旣
而以太后進奉諸王皇子公主冊立分封婚禮合歲辦金珠寶石
復遣中官李敬李鳳廣東採珠五千一百餘兩給事中包見捷力
諫不納至三十二年始停採四十一年以指揮倪英言復開明史食貨志
東莞張惟寅上宣慰司採珠不便狀曰惟寅切見上司委官取
撈蚌珠事有擾民不便者草茹書生敢陳管見狀惟採擇廣州府

東莞縣媚川池前代載籍所不紀獨宋太學生陳均著宋朝編年載宋趙太祖開寶五年五月卽廢劉鋹所置媚川都趙太祖非不知珠之爲寶誠以蠹國害民之事罷之不可不速也五代之所謂都者卽今日之所謂軍翼也善沒水者能採珠何必置三千兵于此哉蓋驅人于死地不得不以軍法從事也夫珠生于蚌深在數十丈水中之所聚必有惡魚水怪以護之取之之法以繩引石繩人而下欲其沒水疾也沒水者取撈蚌蛤或得與不得其氣欲絕者卽掣動其繩舟中之人疾引而出之稍遲則沒水七竅流血而死或值惡魚水怪必爲所噬無以迴避而况剝蚌逾百十得珠僅一二者乎且珠池本處蛋蠻日與珠居有飢寒藍縷特甚于他處貧民其不肯採珠以自給者畏法故也近日官司採撈督勒本處首目不過號召蛋蠻禱神徼福投牲醪於海惑愚民首目迎合官司之意自行邀賞彼愚民一時畏威嗜利冒死入水雖能得珠豈

嶺南叢述

卷三十四

珍寶

七

無死傷此術可暫施而不可久用也若官司立爲定額歲時採撈必須盡數拘刷蛋蠻俾其父子兄弟皆就死地人情豈堪必相牽逃去官司必責首目以號召不至首目懼罪必與俱逃官司根勾追捕得而後已海門之地控接諸番又有深山絕島如大奚山大小蕉嶺皆宋時海賊郭八高登據巢穴可以逃命况蛋蠻種類並係晉時海賊盧循子孫今皆名爲盧亭馱形鵠舌椎髻裸體出入波濤有類水獺官司莫能征賦甚于獠人山獠若勾呼稍急不聚爲盜賊則亡入番邦此劉鋹所以置三千兵立爲都翼以相統攝者正慮其逃散爲患故也名之曰幕之爲兵實驅之死地不得不豐給衣食羈縻其妻子竊計一歲取珠之利不足以償養兵之費也况蚌蛤含生之物三百餘年不經採撈取僅有獲採撈數年蚌蛤不盡則去上司只以原撈珠數責辦其民爲害何可勝言且珠池去縣二百餘里窮山極海蟲蛇惡物涵淹卵育毒氣瘴霧日久

發作人所難居上司委官採撈多染瘴癘而百姓勞于供給往還動經旬日疲困道路何以堪命愚但見其蠹國害民未見其爲利也宋太祖創業之初國小民之猶能亟罷採珠之役以活民今與圖天廣賦入充盈梯航貢琛萬國畢至矧聖明在上敦行儉約愛育黎元屢降恩詔優恤百姓減租歲之三分罷不急之徭役豈肯捐生民之命以致無益之貨哉按海門珠池僞劉所採宋趙太祖所廢孰得孰失較然甚明若不審其取舍恐流弊於無窮懇乞備申上司早賜革罷庶存活海濱百姓幸甚幸甚

黃志

蛇珠

乾道初欽州村落婦人黃氏曬禾棚屋上忽一物飛鳴而來墜其髻上復墜禾中光曜奪目盤旋不已就取乃一大珠是夜光怪滿室鄰里異之里正訪知而索焉不得聞之縣官其家懼取蒸熟光遂隱後欽有士人姓甯得與赴省以萬錢賒買往都下賈胡嘆曰嶺南叢述

卷三十四

珍寶

十一

此蛇珠也惜哉甯以不售携歸還黃今其珠故在置之盤中猶有微暈映盤

嶺外代答

明月珠

鯨鯢目即明月珠故死不見有目精是珠不但產于合浦也搜神記南海之外有鮫人水居如魚不廢緝績其人能泣珠

裴淵廣州記

岑珠

端溪俚岑班入山遇一寶珠徑五寸取還夜光明照燭俚人甚懼以火燒之雖小損猶照一室

南越志

老媪煮珠

廣東老媪江邊得巨蚌剖之得大珠歸而藏之絮中夜輒飛去及曉復還媪懼失去以大釜煮之至夜有光燭天鄰里驚之以爲火也竟往赴之光自釜出乃珠也明日納于官府今在韶州軍資庫予嘗見之其大如彈狀如晶非蚌珠也其中有北斗七星隱然而

見養之半枯矣故郡不敢貢于朝

聞見近錄

徑寸珠

史云崖州嘗獻徑寸珠其使者陰易之上心疑焉召伯醜筮伯醜曰有物出自水中質圓而色光是大珠也今為人所隱具言其隱者出名容狀上如言薄責之果得本珠上奇之賜帛二十四疋

滴翠珠

士人宋述家有一珠大如雞卵微紺色瑩徹如水手持之映空而觀則未底一點凝翠其上色漸淺若回轉則翠處常在下不知何物或謂之滴翠珠

南越志

天地分

宏治年間欲分封諸王取珠于廣得一珠甚大半黑如墨截然平分希世之寶也名天地分

戒菴漫筆

龍吐珠

南海有龍珠龍所吐也蛇珠虵所吐也

述異記

楊厯巖上有龍潭深

嶺南叢述

卷三十四

珍寶

十三

二丈餘相傳歲旱郡守禱雨一日雲霧油然而作父老登巖視之龍吐一珠大如雞子中有小龍躍動郡守以匣載之蓋以黃袱留鎮此邦後有郡守私將以歸行至梅嶺下忽烈風雷雨大作守驚差人送還本處元末兵火後不復見矣

南雄府志

水晶珠

海中有大珠名水晶珠

南越志

辟珠

辟珠大者如指頂次如菩提子次如黍粟質理堅重如貝辟銅鐵者銅鐵不能損辟竹木者竹木不能損犯以他物即毀矣常附胎于椰子柘榔果殼之實之內通謂之聖鐵島夷能辨之故以為奇寶也夫威喜辟兵舍利拒火而此珠出於草木乃能制犀利之物無亦庶類精華之所融結耶然皆中國未之或見也所謂鍾於物

而不鍾於人者茲亦一佐耶海語

走珠

走珠石在廣州河南舊傳有賈胡自異域負其國之鎮珠逃至五羊國人重載金寶堅贖以歸既至半道海上珠復走還徑入石下竟不可見至今此石往往有光夜發疑為此珠之祥宋方信孺詩底事明珠解去來當時合浦已堪猜賈胡不省何年事老石江頭空緣苦南海百詠

屠板生珠

廣東十三行街為西洋諸國貿易之所岸有趙屠設案市肉厯有年矣一日鬼子行至願市其案板屠欲五十金鬼子持銀至屠曰前言戲之耳子欲售必須重價鬼子增至五百金屠思一板植價百錢今計數千倍之多不知是何寶也不售恐錯過時候售之疑價太賤游移未決遷延三年鬼子回國屠恐人竊去收藏房中次

嶺南叢述

卷三十四

珍寶

十四

年鬼子復來問屠引至案前大笑而去屠曰自子去後携入室中朝夕拂拭珍藏待價願求其異鬼子曰內有大蜈蚣日飲豬血已有定風珠誠希世之寶也必得養之斯不害今藏日久蜈蚣已死珠亦韜晦屠不之信劈案視之果有蜈蚣一條死焉口內啣珠白如魚目屠乃悔前此不售計相左矣聖聞錄

珠子樹

熊太古在廣時立珠子提舉司專掌蠻人入海取珠得珠子樹數擔置憲司公廳眾人聚觀如柳枝珠生于蚌蚌生于樹不可上下樹生于石蠻人鑿石得樹樹上求蚌採珠最多蠻人不懼可為異也書焦

木難

木難乃金翅鳥口結沫所成碧色珠也南越志

珊瑚

珊瑚生水底石上初生白二年黃三年赤四年蟲食敗元中珊瑚

生海中欲取之先作鐵網沉水底珊瑚貫網而生歲高二三尺因

絞網出之皆折在網中太平御覽珊瑚乃水中之木以鐵網或鐵猫取

之在水直而奕見風則曲而堅得日光者乃作鮮紅淡紅二色其

五七株合成者號珊瑚林高大者為珊瑚樹絕難得以硃紅光澤

為貴而亦有白黑青三色黑如漆者出安南海中郡志珊瑚狀多如

栢亦曰烽火栢或謂此物貴賤並隨真珠大抵以樹身高大枝柯

叢多紋細縱而色殷紅如銀硃而有光澤者為貴色淡有髓眼者

次之其色善變可以占灾祥圓之為珠帶腕上或以為簪其人有

福澤則益紅潤高明云粵東筆記鬱林郡有珊瑚市海客市珊瑚處也

遊異記

趙佗獻珊瑚

漢積草池中珊瑚高一丈二尺一本三柯上有四百六十二條是

嶺南叢述

卷三十四

珍寶

五

南越王趙佗所獻號為烽火樹夜有光影常似欲燃西陽雜俎

女珊瑚

光武時南海獻珊瑚婦人帝命植于殿前謂之女珊瑚一旦柯葉

甚茂至靈帝時樹死咸以為漢室將亡之兆述異記

琅玕

琅玕青色生海底人以網得之初出水紅色久而青黑枝柯似珊

瑚而上有孔竅如蟲蛙擊之有金石聲異物志琅玕生南海石厓間

狀如荷質如玉詩話庚辛玉册云生南海崖石內似珠而赤政和本草

鐵樹

鐵樹生於海底磐上色如鐵微紅摩娑久則紅去而鐵色亦稍淡

幹類珊瑚尾如莖帶蓋鐵樹千年則成珊瑚亦猶松脂千年成琥

珀也或曰其旁有蚌守之得鐵樹往往兼得蚌珠余曾見漁人獲

于吳川境上云嶺南見聞海苔樹枝根如鐵亦稱鐵樹分紅黑二種火

稍多之隨手作各種古樹廣語

五

白玉美者可以照面出交州廣志粵不產玉乃聞曲江縣東有玉山草木滋茂泉石澄潤舊曾採得玉焉瓊山之石白潤如玉故名瓊山廣東通志載高州海中有文魮鳥頭尾其鳴似磬而生玉粵中見聞

水晶

水晶以倭水晶為第一南水晶白北水晶黑信州水晶濁越志水晶產山谷中明亮如削一種蘊沙石中鑿得之頗佳但少水晶礮為珠如龍眼大向日亦可取火黃志中州水晶皆為玩好五指山傍滿山皆是人取以為假山有高至丈餘者月出叢談瓊州五指山多水晶光瑩照人望如雪霽夜輒有光其眼晶及黃紫者從閩漳來或謂色紅者火晶烈日照之可以取火水晶可以取水亦可取火粵人多以為為眼鏡西洋眼鏡則以玻璃為之粵中見聞

嶺南叢述

卷三十四

珍寶

六

琥珀

海南林邑多出琥珀乃松脂淪入地中所化者有琥珀則旁無草木入土淺者五尺深者丈餘大者如斛小者削去皮乃成博物要覽茯苓在地千年化為琥珀欽人鋤田遇琥珀不識或告之曰此琥珀也賣之驟致大富嶺外代答琥珀來自雲南者多血珀來自洋船者多金珀蜜蠟水珀廣人雕琢為器物特工餘則以作丸藥之用琥珀者龍陽而虎陰龍為魂而虎魄蓋得松液之陰精因已土而結者也廣中抱龍丸為天下所貴以其琥珀之真也其以油煮蜜蠟為金珀吸莞草易但不香粵東筆記

蜜蠟

蜜蠟如蜂蜜明淨者為妙氣魄要大出廣州博物要覽

碑礫

南海有蚌屬曰碑渠形如大蚶盈三尺許亦有盈一尺以下者惟

其大之為貴大則隆起之處心厚數寸切磋其厚可以為杯甚大雖以為瓶可也其小者猶可以為環佩花朵之屬其不盈尺者如其形而琢磨之以為杯名曰漱盃則無足尚矣佛書所謂碑磬者玉也南海所產得非竊取其名耶嶺外代答車渠名海扇海中甲物也其形如扇三月三日潮盡乃出作杯注酒滿過一分不溢本草綱目

玻璃

玻璃西國之寶也玉石之類生土中或云千歲冰所化陳藏器本草玻

璃一名頗黎礮作器皿雨點花兒者是真其用藥燒者人手輕有

氣眼赫志大秦國出赤白黑黃青綠紺縹紅紫十種瑠璃魚豨魏器獅子

乳以金銀寶器盛之皆滲惟玻璃則否酉陽雜俎玻璃來自海舶西洋

人以為眼鏡兒生十歲即戴一眼鏡以養目光至老不復昏矇又

以玻璃為方圓鏡為屏風昔漢武帝使人入海市瑠璃者此也南

州異物志云瑠璃本質是石欲作器以自然灰治之自然灰狀如

嶺南叢述卷三十四 珍寶 七

黃灰生南海濱今西洋人不知亦用此灰否每裁鋸為大小物或

以鑲嵌壁障潘尼所謂灼燭旁燭表裏相形凝霜不足方其潔澄

水不能喻其清者廣人或鑄石為之相去甚遠矣粵東筆記玻璃一名

水玉今西洋無此物矣來自海舶者亦假玻璃也市人稱為洋玻

璃廣所造者謂土玻璃出外洋者質厚而瑩淨如水晶內地所造

者質薄而脆魏代宗時嶺南進琉璃盤面濶九寸 鄴侯家乘

瑪瑙

瑪瑙出西南諸國藝文類聚瑪瑙出西洋紅色為佳有五色纏絲者郝

寶母

魏生得一美石後有胡人見之曰此寶母也每月望設壇海邊置

石其上可得美珠原化記

鵲枕

番禺人逢端午採鵲巢中一兩小石號鵲枕婦人遇之有抽金簪

解耳瑤而償其直者投荒雜俎

北海石

北海十二石記登州下臨大海目力所及沙門鼉磯車牛大竹小竹凡五島惟沙門最近兀然焦枯其餘皆紫翠巉絕出沒濤中真神仙所宅也上生石芝草木皆奇瑋多不識名者又多美石五采斑斕或作金色熙寧已酉歲李天章為登守吳子野往從之遊時解貳卿致政退居于登使人入諸島取石得十二株皆秀色燦然適有船在岸下將轉海至潮子野請于解公盡得十二石以歸置所居歲寒堂下近世好事能致石者多矣未有取北海而置南海者也元祐八年八月十五日東坡居士蘇軾記蘇文忠集

辟塵犀

欽人有往深山得大蜈蚣蛻一節尺餘堅如鐵石持歸雞犬皆驚窓隙日影更無霏埃有博物者曰是所謂辟塵犀者耶嶺外代答

嶺南叢述 卷三十四 珍寶

大貝

海南有大貝圓背而紫斑平面深縫縫之兩旁有橫細縷陷生縫中本草謂之紫貝亦有小者大如指面其背微青大理國以為甲冑之飾且古以貝子為通貨又以為寶器陳之廟朝今南方視之與蚌蛤等古今所尚固不同耶嶺外代答質白如玉紫點為文行列相當大者徑一尺七八寸陸璣詩疏南海貝如珠礫白駿其性寒其味甘止水毒相見經宏景曰小白貝子人以飾軍容服物蘇恭曰紫貝大二三寸背有紫斑而骨白政和本草郭璞江賦紫蚌如渠注爾雅曰大貝曰蚌漢書曰尉佗獻紫貝五百文選注貝凡有八紫貝最其美者廣州府志徐聞之西每天霽海水清澈見底渾然砥平皆石也石上多有石欄杆海菜鐵樹雲根石菌靈栴土芝等物砂中復有羸蜃蜃剛蠶蚶蚶蚌之屬凡古之威斗大鍾刑鼎瓊弁敦牟卮匱以及罍缶甗釜豆區鬲之狀無不畢具磨盪既久肌理滑瑩皆作五色

光怪有客嘗撫拾之凡得貝類三百餘羸類五百餘蛤類二百餘石類一百餘樹類五十餘其最精麗纖巧如相思子甲香指甲羸石羸石蟹石燕瓊瑤等六十餘種一一不同是皆所謂貝也

粵東筆記

潮陽南有小水注海濱帶會山其中多文具可以解毒

越南志